

मार्निंग डोगरी न्यूज़ बुलेटिन, समे. 09-20 Hrs

<><><><><><>

Headlines

- प्रधानमंत्री नरेन्द्र मोदी होरें आकखेआ ऐ जे भारत दी इक प्राचीन ते अनत्रुट्ट लोकतांत्रिक संस्कृति ते परम्परा ऐ जेहदे च खुली चर्चा ते गल्लबात लेई पूरी गुंजैश ऐ।
- केन्द्री गृहमंत्री अमित शाह होरें आकखेआ ऐ जे जम्मू कश्मीर च विधानसभा चुनां सुप्रीम कोर्ट आस्सेआ मित्थी गेदी 30 सितम्बर दी हद कोला पैहले कराई दित्ते जांगन।
- जम्मू कश्मीर च इनें लोकसभा चुनाएं च पैहली बारी वोट पाने आलें दी गिनतरी 3 लख 40 जहार ऐ।
- नौरोज दे मौके पर प्रधानमंत्री नरेन्द्र मोदी, जम्मू कश्मीर दे उपराज्यपाल मनोज सिन्हा ते पुलस महानिदेशक आर.आर.स्वैन होरें सब्बने गी शुभा कामना दित्तियां न।

<><><><><><>

PM-Democracy

प्रधानमंत्री नरेन्द्र मोदी होरें आकखेआ जे भारत दी प्राचीन ते अनत्रुट्ट लोकतांत्रिक संस्कृति ऐ। दक्खन कोरिया दे सिओल च लोकतंत्र लेई सम्मेलन वर्चुअल ढंगै नै अपनी टिप्पणी सांझा करदे होए उनें आकखेआ जे आम राएं बनाना, खल्ले तौरा पर गल्लबात ते अजादाना चर्चा भारतीय इतिहास एहदी अवाज सनेई दित्ती ऐ। री मोदी होरें आकखेआ जे हुनै थमां किश हपते च विश्व भारत च सब्बने शा बड्डे ध्यार दा गवाह बनोग। उनें आकखेआ जे एह मानवता दे इतिहास च सब्बने शा बड्डा चुनावी अभियान च कोई 1 अरब मतदाताएं दा अपने हक्कै दा इस्तेमाल करने दी मेद ऐ। उनें आकखेआ जे भारत दे लोक/लोकतंत्र च इक बारी फही जकीन पक्का करोग।

<><><><><><>

PM-Summit

प्रधानमंत्री नरेन्द्र मोदी होरें आखेआ ऐ जे नमां भारत आतंकवाद गी बरदाश्त नेई करदा सगुआं अपराधिणं गी सबक सखांदा ऐ। नमीं दिल्ली च कल संजा भारत राइजिंग सुमित च मोदी होरें आखेआ जे भारत च जेहडे लोक आतंकवाद गी बढ़ावा दिंदे हे जां जेहडे आतंकवाद गी फैलांदे हे, हुन ओह अज्ज कुदें तुप्पे दे नेई लब्भदे। उनें आखेआ जे पूरी दुनिया 21मी सदी गी भारत दी सदी मन्नदी ऐ। उनें दस्सेआ जे बड्डी रेटिंग एजेंसियां ते अर्थ-शास्त्री अग्गे बधदे भारत प्रति आश्वस्त न ते भारत च पिछले 10एं बरें च बड्डे बदलाव आए न।

<><><><><><>

Amit Shah

केन्द्री गृहमंत्री अमित शाह होरें आखेआ ऐ जे जम्मू कश्मीर च विधानसभा दे चुनां सुप्रीम कोर्ट आस्सेआ मिथी गेदी तरीक 30 सितम्बर कोला पैहले पैहले करोआए जांगन। इक प्राइवेट टीवी चैनल दे राइजिंग इंडिया सम्मिट-2024 च कल संजा शिरकत करदे होई शाह होरें एह गल्ल आखी। इत्थें एह गल्ल दस्सना जरूरी ऐ जे मुख चुनां आयुक्त राजीव कुमार होरें पिछले हफते जम्मू कश्मीर दे अपने दौरे दे बाद आखेआ हा जे इत्थें विधानसभा दे चुनां लोकसभा चुनां दे कन्नै गै कराना फिलहाल मुमकिन नेइ ऐ। एहूदे लेई उनें सुरक्षा कारणें दा हवाला दित्ता दा पर कन्नै गै इब्बी आखेआ हा जे केन्द्र शासत प्रदेश च विधानसभा चुनां तौले गै करोआई लैते जांगन।

<><><><><><>

Banks 31st March

भारती रिजर्व बैंक नै सब्बने बैंकें गी सलाह जारी कीती ऐ जे ओह एतवारें 31 मार्च गी बी अपनी सब्बै शाखां खुल्लियां रक्खन। एह सलाह सरकारी लैने-देन आस्तै सब्बने बैंकें गी 31 मार्च गी खुल्ला रक्खने दी सरकार दी गुजारश दे बाद आई ऐ। एहूदा मकसद लैने-देन कन्नै सरबंधत सारे सरकारी स्हाब-कताब गी चालू माली बरे दे अंदर गै तोड़ चाढ़ना ऐ।

<><><><><><>

NEET-PG

नीट पीजी दा मतेयान जेहड़ा पैहले 7 जुलाई गी लैता जाना तैहू होए दा हा हुन 23 जून गी लैता जाग। राश्ट्री मैडिकल आयोग आस्सेआ जारी अधिसूचना मूजब नीट पीजी लेई योग्य बनने लेई इंटरनशिप पूरी करने दी खीरी तरीक च कोइ बदलाव नेइं करदे होई इसी 15 अगस्त गै बरकरार रखेआ गोआ ऐ। नतीजे दा ऐलान 15 जुलाई गी होग ते शैक्षणिक सत्र 16 सितम्बर गी शुरू होग। तोआई नेशनल टैस्टिंग अजेंसी नै आक्खेआ ऐ जे चुनाएं गी दिक्खदे होई SHRESHTHA(NETS)–2024 दे मतेयान दी तरीक गी 24 मई थमां बदलियै 11 मई करी दित्ता गोआ ऐ।

<><><><><><>

JK-BOSE

स्कूली शिक्षा दे सचिव पीयूष सिंगला होरें कल जम्मू कश्मीर स्कूली शिक्षा बोर्ड आस्सेआ 12मीं जमात दा गलत पेपर बंडे जाने आले मामले दी जांच दा हुक्म जारी कीता ऐ। हुक्म जारी करदे होई मैहकमे नै दऊं मिंबरी कमेटी दा बी गठन कीता ऐ जेहदे च स्कूली शिक्षा निदेशक जम्मू ते स्कूली शिक्षा निदेशक कश्मीर शामिल न। इनें दौनें गी मामले दी जांच करियै 7एं दिनें दे अंदर–अंदर अपनी रिपोर्ट जमा करानी होग। ध्यानजोग ऐ जे कश्मीर घाटी च 12मीं जमात दे केई मतेयान केन्द्रें च विद्यार्थिएं दावा कीता हा जे उनेंगी अपना नेइं, कोई होर पेपर करने लेई दित्ता गोआ हा जेहड़ा मगरा पता लगा जे 11मीं जमात दा ऐ, 12मीं दा नेईं।

<><><><><><>

3.4 Lakhs First Time Voters

जम्मू कश्मीर च इस बारी होने आले लोकसभा चुनाएं च 3 लक्ख 40 ज्हार मतदाता पैहली बारी वोट पाने आले अपने हक्क दा इस्तेमाल करगन। चुनां आयोग आस्सेआ जारी आंकड़े मूजब कुल 86 लक्ख 92 ज्हार 646 मतदाता न जिंदे च 44 लक्ख 35 ज्हार 541 मर्द ते 42 लक्ख 56 ज्हार 946 महिला न। इक दिलचस्प गल्ल एह ऐ जे केन्द्र शासत प्रदेश च 100 ब'रे थमां बद्ध दी उमरी दे 2 ज्हार 886 मतदाता न ते 77 ज्हार 613 दिव्यांग मतदाता न। ट्रांसजंडर मतदाताएं दी गिनतरी इक सौ 59 ऐ। 5 लोकसभा हल्के च 11 ज्हार 629 मतदान केन्द्र कायम कीते गोदे न, हर मतदान केन्द्र च औसतन 747 मतदाता न। इस गल्ला गी बी जकीनी बनाया गोआ ऐ जे कुसै बी मतदान केन्द्र पर मतदाताएं दी गिनतरी 15 सौ थमां बद्ध नेईं होए। 50 फीसदी मतदान केन्द्रें पर वैबकास्टिंग सुविधा उपलब्ध ऐ ते 80 गी महिला अमले आस्सेआ संचालित कीता जा'रदा ऐ। सारे मतदान केन्द्रें च बुनियादी सहूलतां उपलब्ध होंगन।

<><><><><><>

Udhampur-LS

चुनां आयोग आस्सेआ लोकसभा चुनां दे पैहले गेड़ लेई अधिसूचना जारी करने दे कन्नै गै जम्मू कश्मीर केन्द्र शासत प्रदेश च लोकतंत्र दे सब्बने शा ड्डे पर्व दा अभियान होई गेआ ऐ। प्रदेश दी उधमपुर संसदीय सीट उप्पर पैहले गेड़ तैहत 19 अप्रैल गी वोट पोआए जांगन। नामजदगियां दाखल करने दी खीरी तरीक 27 मार्च ऐ ते मेदवारें दे नामजदगी आले कागदें दी जांच 28 मार्च गी होग। मेदवार 30 अप्रैल तगर अपना नां वापस लेई सकदे न।

<><><><><><>

Lal Singh

साबका सांसद ते मंत्री लाल सिंह होर नमीं दिल्ली च पार्टी दे वरिष्ठ नेताएं दी मजूदगी च कांग्रेस पार्टी च परतियै शामिल होई गे न। ओह अपनी पार्टी डोगरा स्वाभीमान संगठन पार्टी दे कन्नै गै कांग्रेस च शामिल होई गे। लाल सिंह होर 2 बारी सांसद रेई चुके दे न ते ओह विधानसभा च सेहत मंत्री ते जंगलात मंत्री बी रेई चुके दे न। लाल सिंह होर की जे कठुआ दे रौहने आले न ते होई सकदा ऐ जे ओह केन्द्रीय मंत्री डॉ. जितेन्द्र सिंह हुंदे खलाफ चुनां लडगंन। उधमपुर पार्लिमानी हल्के लेई 19 अप्रैल गी वोट पाए जाने न।

<><><><><><>

Abdullah

नैशनल कांफ्रेंस दे लीडर ते साबका मुख्मन्त्री उमर अब्दुल्ला होरें आक्खेआ ऐ जे उंदी पार्टी चुनाएं गी हल्के नेइं लै करदी ऐ ते पूरी संजीदगी कन्नै लोकसभा चुनाएं दी तैआरिएं च लग्गी दी ऐ। त्रीए मोर्चे दिएं पार्टिएं दे जम्मू कश्मीर च ओने आरे लाए जा'रदे कयाफें गी खारज करदे होई उमर अबदुल्ला होरें आक्खेआ जे इस चाल्ली दियां कोश्टां पैहले बी होंदियां आइयां न, पर इंदे कन्नै कोई मता फर्क नेईं पाँदा ते नैशनल कांफ्रेंस हर मतेयान लेई तैआर ऐ।

<><><><><><>

Nauroz

प्रधानमंत्री नरेन्द्र मोदी ते जम्मू कश्मीर दे उपराज्यपाल मनोज सिन्हा होरें नौरोज दे मौके पर लोकें गी शुभ कामनां दित्तियां न। मोदी होरें सोशल मीडिया प्लेटफार्म एक्स पर इक पोस्ट पर लिखेआ नौरोज ममारक। इस शुभ ध्याड़े दे मौके गै सब्बने दी सलामती ते खुशहाली दी कामना करनां ते कामना करना जे ओने आले ब'राह कामयाबिएं, तरक्किएं कन्नै भरोए दा होए ते समाज च एकता दिएं तंदे गी होर मजबूती देग।

उपराज्यपाल ते जम्मू कश्मीर पुलसै दे महानिदेशक आर.आर.स्वैन होरें बी सबबने गी नोरोज दी ममारकबाद दिंदे होई सब्बने लेइ रमानदारी, तरक्की ते खुशहाली दी कामना कीती ऐ।

<><><><><><>

NH-44

जम्मू श्रीनगर राष्ट्रीय जरनैली शिड़क पर यातायात सुचारू ढंगै कन्नै जारी ऐ। हौली गड्डियां दौनें भेठा दा चला'रदियां न। बड्डी गड्डिएं ते ट्रकें गी जम्मू आली भेठा ओने दी इजाजत दिक्ती गई ऐ। इनेंगी 11 बजे तगर नवयुग सुरंग पार करने दी हिदायत कीती गई ऐ।

<><><><><><>

Weather

जम्मू च कल दिने दा बद्धोबद्ध तापमान 29.4 डिग्री सैल्सियस ते घट्टोघट्ट 14.6 डिग्री सैल्सियस दर्ज कीता गेआ। मौसम विभाग नै अज्ज गासै पर आम तौरा पर बद्दल घनोए दे रौहने दी पेशगोई कीती ऐ। कल केन्द्र शासत प्रदेश दी किश थाहरें पर हल्की बरखा ते बर्फबारी होई सकदी ऐ।

<><><><><><>